

BOSNA I HERCEGOVINA
FEDERACIJA BOSNA I HERCEGOVINA
HERCEGOVAČKO-NERETVANSKI KANTON
GRAD MOSTAR
JU OSNOVNA ŠKOLA "ZALIK" MOSTAR

Broj: 05-45-27-14/22
Mostar, 01.02.2022. godine

Na osnovu člana 70. stav (1) Zakona o javnim nabavkama („Službeni glasnik BiH“, broj 39/14), i Pravila Osnovne škole "Zalik" Mostar, u skladu sa prijedlogom Komisije za provođenje postupka nabavke, predsjednik Školskog odbora Osnovne škole "Zalik" Mostar donosi:

O D L U K U

o izboru najpovoljnijeg dobavljača za postupak javne nabavke Nabavka i ugradnja kotla za pelet

I

Prihvata se prijedlog Komisije za provođenje postupka javne nabavke, i bira se najpovoljniji dobavljač GTR d.o.o. Mostar iz razloga što je ponuda dobavljača ocjenjena kao kompletna i prihvatljiva, i u skladu sa kriterijem za dodijelu ugovora ekonomski najpovoljnija ponuda, ponuda ponuđača ocjenjena je prvorangirana.

II

Ugovor za javnu nabavku dodjeljuje se dobavljaču iz tačke I ove Odluke, sa ukupnom cijenom ponude u iznosu u iznosu 8.390,10 KM bez PDV-a i rokom izvršenja ugovora od tri dana.

III

Postupak nabavke proveden je putem konkurentskog zahtjeva za dostavu ponuda. Obavještenje o nabavci objavljeno je na portalu javnih nabavki pod brojem 1103-7-1-1/22 od 17.01.2022. godine.

IV

Ova Odluka objavljuje se na web stranici Osnovne škole istovremeno sa upućivanjem obavijesti ponuđačima koji je učestvovali u postupku javne nabavke.

V

Obavještenje o dodjeli ugovora i Izvještaj o provedenom postupku nabavke biti će dostavljen Agenciji za javne nabavke Bosne i Hercegovine u skladu sa članom 74. i 75. Zakona o javnim nabavkama („Službeni glasnik BiH“, broj 39/14).

VI

Ova odluka stupa na snagu danom donošenja.

Obrazloženje

Postupak javne nabavke proveden je putem konkurentskog zahtjeva za dostavljanje ponuda.

Obavještenje o nabavci objavljeno je na portalu javnih nabavki pod brojem 1103-7-1-1/22 od 17.01.2022. godine.

U skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15) Tenderska dokumentacija objavila se u sistemu „E-nabavke“.

U skladu sa Tenderskom dokumentacijom i Obavještenjem o nabavci dana 31.01.2022. godine sa početkom u 12:15 sati održano je javno otvaranje ponuda. U predviđenom roku za prijem ponuda (31.01.2022. godine do 12:00 sati) na protokol ugovornog organa zaprimljene su tri ponude ponuđača: KULA MONT d.o.o. Zenica, BRAĆA KARIĆ d.o.o. Zenica i GTR d.o.o. Mostar. Na javnom otvaranju nije bilo prisutnih predstavnika ponuđača. Javno otvaranje ponuda provedeno je u skladu sa Zakonom o javnim nabavkama („Službeni glasnik BiH“, broj 39/14) i Uputstvom o načinu vođenja zapisnika o otvaranju ponuda („Službeni glasnik BiH“, broj 90/14). Po završetku javnog otvaranja, zapisnik sa otvaranja ponuda dostavljen je svim ponuđačima.

Komisija za postupak nabavke izvršila je pregled i ocjenu ponuda. Pregledom dostavljenih ponuda Komisija za nabavku utvrdila je da su ponude ponuđača dostavljene na propisan način, da su omotnice sa ponudom ispravno zatvorene, te da su ponude uvezane i numerisane u skladu sa zahtjevima iz Tenderske dokumentacije. Komisija je izvršila pregled, analizu i ocjenu traženih i dostavljenih dokumenata na osnovu kojih se utvrđuje postoje li razlozi isključenja ponuđača, kao i analitički prikaz traženih i dostavljenih dokumenata u svrhu ispunjavanja svih uslova shodno tenderskoj dokumentaciji, kao i analizu ponude vezane za ispunjenje zahtjeva u pogledu opisa predmeta nabavke i pregleda obrasca za cijenu ponude.

Komisija je detaljno i pojedinačno pregledala dostavljene dokaze tj dokumente u svrhu dokazivanja uslova o tehničkoj i profesionalnoj sposobnosti, te je provjerila da li isto odgovara traženim zahtjevima u Tenderskoj dokumentaciji.

Komisija je utvrdila da su ponuđači dostavili tražene dokumente kako je navedeno u Tenderskoj dokumentaciji po pitanju tehničke i profesionalne sposobnosti.

U skladu sa članom 64. Zakona kriterij za dodjelu ugovora je: ekonomski najpovoljnija ponuda (najveći zbir bodova), u skladu sa kriterijima za bodovanje: Cijena – čija vrijednost iznosi maksimalno 80 bodova i Rok isporuke – čija vrijednost iznosi maksimalno 20 bodova. U skladu sa utvđenim kriterijima za bodovanje Komisija je izvršila bodovanje ponuda kako je navedeno u tenderskoj dokumentaciji.

Na osnovu kriterija Cijena: Kula Mont d.o.o. Zenica sa ponuđenom cijenom od 7.400,00 KM dobija 80 bodova; Braća Karić d.o.o. Zenica sa ponuđenom cijenom od 8.113,00 KM dobija sljedeći broj bodova: $(7.400/8113) \times 80 = 72,97$ bodova; i GTR d.o.o. Mostar sa ponuđenom cijenom od 8.390,10 KM dobija sljedeći broj bodova: $(7.400/8113) \times 80 = 70,56$ bodova

Na osnovu kriterija rok isporuke ponuđači dobivaju sljedeće broj bodova: GTR d.o.o. Mostar sa ponuđenim rokom isporuke od tri dana dobija 20 bodova; Braća Karić d.o.o. Zenica sa ponuđenim rokom isporuke od 15 dana dobija sljedeći broj bodova: $(3/15) \times 20 = 4$ boda; Kula Mont d.o.o. Zenica sa ponuđenim rokom isporuke od 30 dana dobija sljedeći broj bodova: $(3/30) \times 20 = 2$ boda.

Komisija je izvršila rangiranje ponuda u skladu sa najvećim zbirom bodova ($B = C + I$), kako slijedi:

1. GTR d.o.o. Mostar dobio je ukupno 90,56 (70,56+20) bodova
2. KULA MONT d.o.o. Zenica dobio je ukupno 82 (80+2) boda
3. BRAĆA KARIĆ d.o.o. Zenica dobio je ukupno 76,97 (72,97+4) bodova

Shodno svemu naprijed navedenom Komisija je jednoglasno ocijenila da je ponuda ponuđača GTR d.o.o. Mostar sa ukupnom cijenom ponude u iznosu 8.390,10 bez PDV-a i rokom nabavke i ugradnje kotla od tri dana, ocjenjena najpovoljnija u skladu sa kriterijem za dodjelu ugovora ekonomski najpovoljnija ponuda.

Ovom Odlukom prihvaćen je prijedlog Komisije. U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispijelih ponuda kao i da je izbor najpovoljnijeg dobavljača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi Bosne i Hercegovine putem ugovornom organu najkasnije u roku od 5 (pet) dana od dana prijema ove Odluke, u pisanoj formi u tri primjerka.

Predsjednik Školskog odbora



Sabina Pintul

Dostaviti:

- *ponuđači,*
- *web stranica,*
- *a/a*